

Achitlamachtiliztli tlen Ce

01. TIMOIXMATIZCEH

Hueyi tequitl

01.0. Timoixmatizceh huan timopannextizceh

Ahachitequitl

Zaniltequitl

- 1.1. Timotlahpalozceh
- 1.2. Timopannextizceh zan tlen tohhuantinya
- 1.3. Ticpannextizceh totlachiyaliz
- 1.4. Tiquihtozceh tlen ticamatih huan tlen axticamatih
- 1.5. Titeixmatiltizceh ce acahya
- 1.6. Timonahuatihtehuazceh

Canin mochihua

Caltlamachtihcan

Zaniltequitl

tc001. Momachtianih quichihuazceh zaniltequitl campa inihhuan tin axcanah tlahcuilozceh yon quiittazceh tlahtoltecpanaliztli, zan zanilozceh huan quichihuazceh piltequititzin ica yancuic tlahtolli.

tc002. Momachtianih tlahtlanizceh queniuhqui calaquizceh caltlamachtihcan.

A) Tlamahuizolli quemman ce momachtihquetl calaqui zalonihc.

<http://www.youtube.com/watch?v=mjntv50P38>

B) Xiquiza, xiquizacan.

Tlamachtihquetl, ¿nimitzpanoz?

Quena, xipano.

Ximocehui.

tc003. Momachtianih quitequihuizceh tlahpaloliztli “Piyali” huan “nimitzlahpaloz”, tlen tlahuel motequihuia.

Piyali.

Nimitzlahpaloz.

Ximotlahpalocan.

tc004. Momachtianih mocuaoholinizceh quemman quiihtozceh “quena” zo “axcanah”.

Quena.

Axcanah.

tc005. Momachtianih tlahtlanizceh itocah cequin tlamantli ica nahuatl.

A) ¿Queniuhqui moillia _____ ica nahuatl?

Moillia _____.

1. Tlamahuizolli tlen ¿queniuhqui moillia ____?

<http://youtu.be/kgfhLD0jeQ>

2. Tlamahuizolli tlen nicpiya ce tlahtlaniliztli ¿queniuhqui moillia?

<http://www.youtube.com/watch?v=WvoSq7uNZfA>

B) Tlamachtihquetl. Ceyoc tlahtlaniliztli.

¿Tlen quihtoznequi _____ ica nahuatl?

1. Tlamahuizolli tlen ceyoc tlahtlaniliztli.

<http://www.youtube.com/watch?v=ayGYFykN54k>

tc006. Tlamachtihquetl quintocaxtiz huan momachtianih tlananquilizceh.

A) Tlamahuizolli quemman tlamachtihquetl quipanoltia momachtianih inintocah.

<http://www.youtube.com/watch?v=o2ofMzF4OTs>

B) ¿Juan? Nican niitztoc.

Axcannah itztoc.

tc007. Momachtianih momanextizceh ica motocaxtilli.

A) Momachtianih quiittazceh tlamahuizolli tlen motocaxtilli.

http://youtu.be/sf6_2IZsUfQ

B) Momachtianih momanextizceh ica motocaxtilli

Na, ta, ya, ne, tohhuantin, inmohhuantin, inihhuantin.

tc008. Momachtianih quimanextizceh acquiya tlacatl huan cihuatl.

A) Tlacatl

Nitlacatl, titlacatl, tlacatl, titlacameh, intlacameh, tlacameh.

<http://www.youtube.com/watch?v=CXgS9krAAYk&feature=related>

B) Cihuatl

Nicihuatl, ticihuatl, cihuatl, ticihuameh, incihuameh. cihuameh.

<http://www.youtube.com/watch?v=RNz94cTd5nY&feature=related>

tc009. Momachtianih monahuatizceh ma moquetzacan, ma mocehuican, ma nehnemican, ma huitonican, ma mopachocan huan ma momelahuacan.

A) Ximoquetza.
Ximoquetzacan.

B) Ximocehui.
Ximocehuican.

C) Xinehnemi.
Xinehnemican.

D) Xihuitoni.
Xihuitonican.

E) Ximopacho.
Ximopachocan.

- F) Ximomelahua.
Ximomelahuacan.

Xizanilocan.

tc010. Tlamachtihquetl quintlahtlaniliz momachtianih tlen quichihuah huan inihhuantin tlananquilizceh, teipan momachtianih motlahtlanilizceh tlen quichihuah huan monanquilizceh.

- A) ¿Tlen ticchihua ta? Nimoquetza. Nimocehuia. Ninehnemi. Nihuitoni. Nimopachoa.
Nimomelahua.

Tlamahuizolli ¿Tlen ticchihua ta?

http://youtu.be/75b2qQ_47q4

- B) ¿Tlen nicchihua na? Timoquetza. Timocehuia. Tinehnemi. Tihuitoni. Timopachoa.
Timomelahua.

Tlamahuizolli ¿Tlen nicchihua na?

<http://youtu.be/sk2ZjDnoPrA>

- C) ¿Tlen quichihua ya? Moquetza. Mocehuia. Nehnemi. Huitoni. Mopachoa. Momelahua.
Tlamahuizolli ¿Tlen quichihua ya?

<http://youtu.be/ApmohCbW2V4>

- D) ¿Tlen ticchihuah tohhuantin? Inmoquetzah. Inmocehuiah. Innehnemih. Inhuitonih.
Inmopachoa. Inmomelahuah.

Ximotlahtlanilican.

tc011. Tlamachtihquetl huan momachtianih quimanextizceh acquiya tlamachtihquetl huan acquiya momachtihquetl.

- A) Nitlamachtihquetl, titlamachtihquetl, tlamachtihquetl, titlamachtianih, intlamachtianih.
tlamachtianih.

- B) Nimomachtihquetl, timomachtihquetl, momachtihquetl, timomachtianih, inmomachtianih,
momachtianih.

Xizanilocan.

tc012. Momachtianih tlapohuazceh, quipehualtizceh pan yonce huan tlamizceh pan cempohualli.

- A) Tlamahuizolli tlen tlapohualiztli **0-5**
Yonce, ce, ome, eyi, nahui, macuilli.
<http://www.youtube.com/watch?v=H3vrw-gz0f4>
- B) Tlamahuizolli tlen tlapohualiztli **6-10**
Chicuace, chicome, chicueyi, chiucnahui, mahtlactli.
- C) Tlamahuizolli tlen tlapohualiztli **11-15**
<http://www.youtube.com/watch?v=uGwDDmWgigM>
Mahtlactli huan ce, mahtlactli huan ome, mahtlactli huan eyi, mahtlactli huan nahui,
caxtollí.
- D) Tlamahuizolli tlen tlapohualiztli **15-20**
<http://www.youtube.com/watch?v=nRaZPXV7r8Q>
Caxtollí, caxtollí huan ce, caxtollí huan ome, caxtollí huan eyi, caxtollí huan nahui,
cempohualli.
- E) Tlamahuizolli tlen tlapohualiztli **0-20**
<http://youtu.be/tWPNDxKnBPE>
Yonce, ce, ome, eyi, nahui, macuilli, chicuace, chicome, chicueyi, chiucnahui, **mahtlactli**,
mahtlactli huan ce, mahtlactli huan ome, mahtlactli huan eyi, mahtlactli huan nahui,
caxtollí, caxtollí huan ce, caxtollí huan ome, caxtollí huan eyi, caxtollí huan nahui,
cempohualli, cempohualli huan ce, cempohualli huan ome...

tc013. Momachtihquetl quimanextiz imahpil, itzontecon, iicxi, itzintamal huan imah tlen ya huan tlen itequixpoyohuan.

- A) Tlamahuizolli tlen nomahpil, noixtiyol, notzoncal.
<http://youtu.be/jA-J1YlW7nE>
- B) Nomahpil, momahpil, imahpil, tomahpil, inmohmahpil, ininmahpil.
- C) Notzontecon, motzontecon, itzontecon, totzontecon, inmotzontecon, inintzontecon.
- D) Noicxi, moicxi, iicxi, toicxi, inmoicxi, ininicxi.
- E) Notzintamal, motzintamal, itzintamal, totzintamal, inmotzintamal, inintzintamal.
- F) Nomah, momah, imah, tomah, inmohmah, ininmah.

tc014. Momachtihquetl quitlahtlaniliz itequixpoh quezqui imahpil quitlalantoc.

- A) ¿Quezqui nomahpil nicpiya?
Eyi momahpil.
- B) ¿Quezqui momahpil ticpiya ta?
Nicpiya chicuace momahpil.
- C) ¿Quezqui imahpil quiapiya ya?
Mahtlactli imahpil.
- Ximotlahtlanilican.

tc015. Momachtihquetl quiixmatiz cequin tlamantli ixnezcaoytl.

- A) Chipahuac, chichiltic, yayahuic, xoxoctic, cafentic, achilcoz, tzictic, camohtic, coztic, tenextic, tecolotic, **cuahuencho**, **cuicuiltic**.
http://youtu.be/kQvfo_LLiT4
- B) Tlahtlaniliztli
1. ¿Tlen iixnezca amatl?
 2. ¿Tlen iixnezca mopantalon?
 3. ¿Tlen iixnezca mocoton?
- Iixnezca _____.

tc017. Tlami tlamachtiliztli.

Titlanquehya.
Timoittazceh moztla.
Moztlayoc.

Pilachitlamachtiliztzin 01.1. Timotlahpalozceh

tc018. Tlahtoltecpanaliztli. Tiquittazceh tlapacholli huan tlatocaxtiliztli tlen axquiapiya iteco.

A) El sustantivo absoluto

ni	tlaca(tl)	tl, tli, li, n, Ø
ti	macehual(li)	
Ø	coyo(tl)	
ti	michi (n)	meh
in	xinolah(Ø)	
Ø		

tc019. Momachtianih quiittazceh tlamahuizolli tlen totocah huan tlen timoixmatizceh.

A) Totocah

<http://www.youtube.com/watch?v=Zp8SUE6CiQA>

B) Timoixmatizceh A

<http://www.youtube.com/watch?v=Gb4E7Bo2qgE&feature=related>

C) Timoixmatizceh B

<http://www.youtube.com/watch?v=uX62eBvxCmo&feature=related>

Pilachitlamachtiliztzin 01.2. Timopannextizceh zan tlen tohhuantinya

tc020. Tlahtoltecpanaliztli. Tiquittazceh tlatocaxtiliztli tlen quipiya iteco huan tlempano.

A) Los sustantivos posesivos

no	cone(tl)	Ø, uh, hui
mo	chil(li)	
i	a(tl)	
to	tlal(li)	huan
inm	chichi(Ø)	
o		
inin		

B) El tiempo presente

La forma más simple de un verbo en tiempo presente consta de sólo tres partes: un prefijo sujeto (en la misma forma son usados con sustantivos), una base verbal y un sufijo de número.

ni	choca	Ø
ti	nehnemi	
Ø		
ti	huica	h
in	huitoni	
Ø		

tc021. Momachtianih motlahtlanizceh canin ehuah huan tlen quichihuah.

A) Tlapohualiztli tlen Efren huan Victoria

Efren: Na notocah Efren huan notzonquizca Martínez. Niehua Veracruz. ¿Huan ta?

Victoria: Na notocah Victoria Flores huan niehua Michoacán.

Efren: Naman nitequiti Mexco. Huan ta, ¿tlen ticchihua?

Victoria: Na nimomachtia nican Zacatecas.

tc022. Momachtianih motlahtlanilizceh quezqui xihuitl quipiyah huan canin huallolohuih.

A) Tlapohualiztli tlen Jacinto huan Oscar

Jacinto: Na nicpiya cempohualli xihuitl. Huan ta, ¿quezqui xihuitl ticpiya?

Oscar: Na nicpiya cempohualli huan ome xihuitl.

Jacinto: Huan ta, ¿canin tihuallauh?

Oscar: Na nihuallauh Veracruz. Huan ta, ¿canin tihuallauh?

Jacinto: Na nihuallauh Guanajuato.

Oscar: Cualtitoc.

tc023. Momachtianih quiittazceh tlamahuizolli tlen acquiya na huan quitemitizceh amatlahtlaniliztli.

A) Acquiya na 1 (Eduardo)

<http://www.youtube.com/watch?v=sgKG8zBlooc>

B) Acquiya na 2 (Abelardo)

<http://www.youtube.com/watch?v=POJOEaZUo4c>

C) Acquiya na 3 (Delfina)

http://www.youtube.com/watch?v=4q_95-mPhI

D) Xictemiti tlahtlaniliztli tlen cehcen tocayotl quimanextia.

Tlahtlaniliztli/tocayotl	Eduardo	Abelardo	Delfina
¿Queniuhqui itzonquizca?			
¿Canin ehua?			
¿Canin momachtih?			
¿Quezqui xihuitl quipiya?			
¿Canin tequiti zo tlamachtia?			
¿Quezqui xihuitl quipiya pan Zacatecas?			

Pilachitlamachtiliztzin 01.3. Ticpannextizceh totlachiyaliz

tc024. Tlahtoltecpanaliztli. Moittaz tlen *ax*, *ayi*, *ayoc* huan nouhquiya tlen *nel* huan *tlahuel*.

A) Los prefijos de negación

En la forma del sustantivo, y opcionalmente con los verbos el prefijo negativo *ax-*. Sin embargo, cuando esto aparece, éste siempre es el primer elemento en la secuencia de prefijos. Se puede alternar con las palabras *axcanah*, *amo* o *amocanah*, que también significa “no”. Hay dos prefijos negativos adicionales que pueden ser usados con verbos: *ayi-*, “aún no/todavía no”; y *ayoc-*, “ya no.” Cada uno también tiene una forma alterna consistiendo de una palabra independiente: *ayicanah*, “aún no/todavía no” y *ayoccanah*, “ya no.”

Cequin tlamanehtilli:

Ax-ni-camanaloo/no bromeo
Ayi-ni-tlahcuiloo/todavía no escribo
Ayoc-ni-tici/ya no muelo

B) *Nel* huan *tlahuel*.

Nel

Significa “demasiado”, “muy”, es usado en los verbos y también en algunos sustantivos.

Cequin tlamanehtilli:

Nelcualcan. Muy temprano
Nelnimahuiltia. Juego demasiado.

Tlahuel

Significa “mucho” pero en ocasiones funciona como “muy.”

Cequin tlamanehtilli:

Tlahuel nitequiti. Trabajo mucho
Tlahuel yehyetzin amatl. Es muy bonito el papel.

tc025. Momachtianih quiittazcen tlamahuizolli tlen itlachiyaliz ce acahya cihuatl huan tlatatl.

A) Tlamahuizolli tlen cihuatl huan tlatatl

<http://youtu.be/r2OPA-bT1v4>

tc026. Momachtianih zanilozceh ca cequin inintlachiyaliz.

A) Tlapohualiztli tlen Manuel, Rubí, Tomasa huan Carla

Manuel: Na niuahcapantic huan axnelnitomahuac. Notzoncal cototztzin huan yayahuic.

Huan ta, ¿quenuhqui motlachiyaliz?

Rubí: Na niechcapantzin huan nizancualtzin. Notzoncal huehueyac huan tecolotic.

Manuel: Cualtitoc. ¿Huan quenuhqui iixnezca moixtiyol?

Rubí: Noixtiyol cafentic/tzictic/yayahuic/xoxoctic.

Manuel: Tlen na yayahuic.

Tomasa: Na niazacatic huan ta axtlahuel. Motzoncal tlahuel alaxtic.

Carla: Quena. Notzoncal tlahuel alaxtic, yayahuic huan huehueyac.

Tomasa: Quena. Tlahuel yehyectzin.

Carla: Huan ta ticpiya motzoncal chino, cafentic huan cototztzin.

Tomasa: Quena. Nouhquiya nicamati quen ticpiya motzoncal.

Carla: Cualli. Timoittah.

Pilachitlamachtiliztzin 01.4. Tiquihtozceh tlen ticamatih huan tlen axticamatih

tc027. Tlahtoltecpanaliztli. Pan ni achitequitl moittaz tlen quimanextia ce tlamantli, ce acahya zo ceyoc.

A) El prefijo objeto específico y no nespecífico

Hace referencia a diferentes objetos de sujeto. Hay seis prefijos de objeto específico y dos objetos no específicos.

ni	nech		itta	Ø
ti	mitz		ehua	
Ø	c/qu/qui	te	amati	h
ti	tech	tla	pohua	
in	mech		ihcuiloa	
Ø	quin		cua	

tc028. Momachtianih quihhtozceh cequin tlachihualiztli tlen moamati huan tlen axmoamati.

A) Olga huan Alfredo

Olga: Na nicamati nitlahcuiloz huan nitlapohuaz nochipa. Huan ta, ¿tlen ticamati ticchihuaz?

Alfredo: Na nicamati nimomachtiz nochipa.

Olga: Na nouhquiya nicamati, zampampa axcanah nimoahxilia nochipa.

Alfredo: Na quena nihueli pampa axcanah nitequiti, zan nimomachtia.

Olga: Cualtitoc, timoittazceh moztla.

Alfredo: Quena timoittazcehyoc.

B) Jorge huan Amado

Jorge: Nochipa ica tlayohua nicamati nimahuiltiz futbol huanya notequixpoyohuan.

Amado: Na axcanah pampa na nicamati nimihtotiz.

Jorge: Quena, nopa nouhquiya cualli tlen ticchihua.

Amado: Huan, ¿canin inmahuiltiah?

Jorge: Ne notlanempan.

Amado: Cualli. Nouhquiya yehyectzin nopa mahuiltiztli.

Jorge: Quena. Timoittazcehyoc.

Amado: Teipanoc.

tc029. Momachtianih quiihtozceh cequin tlachihualiztli tlen axquiamatih quichihuazceh.

A) Tlen axquiamatih Norma huan Aracely.

Norma: ¿Tlen axticamati ticchihuaz?

Aracely: Na axnicamati nitlachpanaz huan nitlachicueniz. ¿Huan ta?

Norma: Na axnicamati niatlacuiz huan niticiz.

Aracely: Quena, pampa ohuih nopa tequitl.

Norma: Quena, cuah.

B) Tlen axquiamatih Oscar huan Jaime.

Oscar: Quemman tlahuel tona axnicamati nitlamehuaz yon nitocaz. ¿Huan ta?

Jaime: Na tlen axnicamati nicchihuaz, nitlaixhuitequiz pampa nimaapoloni.

Oscar: Na iuhcatzan axnicamati, zan quena eli nicchihua.

Jaime: Quena, iuhcatzan pampa monequi.

Oscar: Nopa quena melahuac.

tc030. Momachtianih quiittazceh eyi tlamahuizolli tlen “Tlen nicamati” huan teipan quinanquilizceh tlahtlaniliztli.

A) Nicamati 1 (Eduardo)

<http://youtu.be/DNC0LfZG3uY>

¿Tlen quiamati quichihuaz Eduardo?

B) Nicamati 2 (Delfina huan Ofelia)

<http://youtu.be/xLslDBqc4kc>

¿Tlen quiamatih quichihuazceh Delfina huan Ofelia?

C) Axnicamati (Abelardo)

http://youtu.be/O1k_Mvns750

¿Tlen axquiamati quichihuaz Abelardo?

Pilachitlamachtiliztzin 01.5. Titeixmatiltizceh ce acahya

NOTEIXMATCAHUAN

Nototatah, notonanan	Nomachconeuh	Nohuehpol
Notatah, nonanan	Noixhuiuh	Notionan
Nomimi, nopipi, nochocho	Notioconeuh	Notiotah
Nomachicniuh	Nohuez	

tc031. Tlahtoltecpanaliztli. Pan ni achitequitl, momachtianih quimatizceh nahui tlamantli tlachihualiztli.

A) Objeto específico con las 4 clases

El náhuatl cuenta con 4 clases de verbos regulares. Lo cual se verá a continuación, para el tiempo futuro singular únicamente se le añade una -z al final de la raíz verbal del tiempo presente.

B) Los verbos de la clase 1, 2 y 4 mantienen el tiempo presente y únicamente se le agrega una z al final.

Tlamanextilli

Clase 1

- Naman tiotlac **niquittaz** nonanan./Hoy por la tarde veré a mi madre.
- Nopipi **nechmacaz** tomin moztla./Mi hermana mayor me dará dinero mañana.

Clase 2

- Nochocho naman **huitoniz** pan caltlamachtihcan./Mi hermano menor hoy brincará en la escuela.

- Juan huan María, inmohhuantin **intlachpanazceh** moztla./Juan y María, ustedes van a barrer mañana.

Clase 4

- Moztla **niccuaz** tlaxcalli totonic./Mañana comeré tortilla caliente.
- Pepe **quimamaz** coxtalli iuhcatzan etic./ Pepe cargará el costal aunque esté pesado.

C) Clase 3

Para la clase 3, son aquellos verbos que terminan en *-ia* y *-oa*— pierden la vocal final *a* y se le añade una *-z* más el sufijo cero (*-Ø*) que son los sujetos singulares y *-ceh* para los sujetos plurales.

Tlamanextilli

- Juan huanya ichocho **maltizceh** ininchan tlayohua./Juan y su hermano menor se bañarán en su casa en la noche.
- Moztla **nicceliz** ce tlaxtlahuilli./Mañana recibiré un pago.
- Marcos **quitlapoz** cuapuertah quemman ahciz itatah./Marcos abrirá la puerta cuando llegue su papá.
- Notlayi **quicueloz** alampreh tlen iconeuh./Mi tío doblará el alambre de su hijo.

tc032. Momachtianih quiixmatiltizceh ce acahya.

A) Alberto quiixmatiltiz Maricela ce iteixmatcauh.

Alberto: ¿Queniuhqui tiitztoc, Maricela?

Maricela: Cualli. ¿Huan ta?

Alberto: Cualli. Naman tiyazceh nochan nimitzixmatiltiz noteixmatcahuan.

Maricela: Cualtitoc. Nopa nelcualli.

Alberto: Ah nican nochan.

Maricela: Cualli.

Alberto: Zan nochocho itztoc, huan ya itocah Javier.

Maricela: Nimitztlahpaloz Javier. Na notocah Maricela. ¿Huan ta titequiti zo

timomachtia?

Javier: Na nimomachtia.

Maricela: Cualli. Na nitequiti. Huacca timoittazcehyoc.

Javier: Quena. Cualtitoc.

B) Alberto imachicniuh quiixmatiltiz Juan.

Alberto: Piyali Juan. ¿Queniuhqui tiitztoc?

Juan: Cualli. ¿Huan ta?

Alberto: Cualli. Nicnequi xiquixmati ce nomachicniuh. Ya itocah Tomás.

Juan: Piyali Tomás. ¿Timomachtiz nican?

Tomás: Quena. Nican niitztoz eyi zo nahui xihuitl.

Juan: Ahh cualtitoc. Quemman ticnequiz ma nimitzpalehui ica ce motequiuh. Xinechilli.

Tomás: Quena. Tlazcamati.

Juan: Axtlen.

tc033. Momachtianih quiittazceh quenuhqui ce acahya teixmatiltia ce iteixmatcauh.

<http://youtu.be/Tn0i43x75Os>

Pilachitlamachtiliztzin 01.6. Timonahuatihtehuazceh

tc034. Tlahtoltecpanaliztli. Tiquittazceh ica canin mochihua ce tlamantli.

A) Los prefijos direccionales: on y hual

Los prefijos verbales *on-* y *hual-* llamados prefijos de dirección porque señalan el lugar hacia donde se efectúa la acción. Para el caso de *on* se efectúa dos situaciones:

1. *On-* en referencia a la acción en una dirección de salida (ir hacia allá).

Tlamanextilli

- Laura, xicontlali ni polato pan cuamezah./ Laura pon este plato en la mesa.
- Beto xiconhuica ni yoyomtl neca./Beto lleva esta ropa por allá.

2. *On-* también señala las acciones de manera rápida, a un tiempo específico o antes de hacer o de regresar algo.

Tlamanextilli

- Yalhuaya niconnotzqui nonanan ma huallauh./Ayer le hablé a mi mamá rápidamente para que venga.
- Niontlacuaz huan teipan ntlachpanaz./ Voy a comer rápidamente y después voy a barrer.

B) Para el prefijo *hual-* se refiere a la acción en una dirección de entrada (venir hacia acá).

Tlamanextilli

- Tomás, xichualcui ni cobetah pampa etic./Tomás, ven por la cubeta porque pesa.
- Quemman huallauh María ichan inanan, no quihualitta ipipi./Cuando viene María en la casa de su mamá, de paso también ve a su hermana mayor.

tc035. Momachtianih quiittazceh tlamahuizolli tlen tlahpaloliztli.

A) Tlahpaloliztli (quemman ce acahya tlahtlani ce tlamantli)

<http://www.youtube.com/watch?v=OMvCZkEUHKk>

B) Tlahpaloliztli (quemman ce acahya pano)

<http://www.youtube.com/watch?v=J2k58HLKgmK>

D) Tlahpaloliztli (quemman ce acahya tenahuatihtehua)

<http://www.youtube.com/watch?v=xAaJK30wSOE&feature=related>

tc036. Queniuhqui motlahpaloah huan monahuatihtehuah macehualmeh quemman itztoqueh zancehco.

A) Quemman motlahpaloah moilliah:

1. Nimitztlahpaloz. ¿Tlen ticchihua?
Nitequiti, etc.
2. ¿Tlen inquichihuah?
Titequitih, etc.
3. ¿Titequiti?
Quena, nitequiti, etc.
4. ¿Timociauhcahua?
Quena, nimociauhcahua, etc.

B) Quemman monahuatihtehuah moilliah:

1. Moztlayoc.
2. Teipanoc.
3. Timoittazceh moztla.
4. Niyohua.
5. Timomelahuah (zan tlacameh).

C) Quemman macehualli zan quinahuatihtehua ce acahya inechca quillia.

1. Macehualli tlen tenahuatihtehua quihtoa:
Neca nionyauh.
Niyohua.
Tiyohuihya
2. Macehualli tlen tlananquilia quihtoa:
Huenoh.
O'ooh. A'aah. Ho'ooh (zan cihuameh)

tc037. Momachtianih mozancehcotilizceh huan quitequihuzceh miac piltequitzitzin tlen tlahpaloliztli.

A) Angela huan Martín

Angela: Nimitztlahpaloz, tlayi. ¿Tlen ticchihua?

Martín: Nimitztlahpaloz, ahui. Axtlen. Na zan nimociauhcahua.

Angela: Ah, cualtitoc. Neca nionyauh.

Martín: Huenoh.

B) Miguel huan Yaneth

Miguel: ¿Canin tiyauh, nocomaleh?

Yaneth: Nitianquizoti Tecomate.

Miguel: Cualtitoc. Na axcanah niyauh pampa axnicpiya notomin.

Yaneth: Cualli. Huacca nionyauh pampa tlahcotonaya.

Miguel: Quena cualli. Xicontlahpalo nocompah.

Yaneth: Quena. Tlazcamati.

C) Santiago huan Santos

Santiago: Tex, ¿canin tiyauh?

Santos: Niquittati noyoltzin.

Santiago: Cualtitoc. Xicontlahpalo ichocho Andrea.

Santos: Quena, niquilliz. Timomelahuah huanquinon.

Santiago: Yeca timomelahuazcehyoc.

D) Angelina huan Margarita

Angelina: Titlachicuenia, naneh.

Margarita: Macuah quena, pampa nicpiya miac yoyomitl.

Angelina: Huacca, xitlachicueniya naneh. Na niyohua.

Margarita: Ho'oh.

Tlaompoittaliztli

tc038. Momachtianih quichihuazceh tlahtlaniliztli tlen ¿Canin? ¿Quemman? ¿Quezqui? ¿Tlen? ¿quenque? huan ¿Catlinya? ica tlahtolli tlen quiitztoquehya pan cehcen ahachitequitl.

Ahachitequitl 1. _____.

Ahachitequitl 1. _____.

Ahachitequitl 2. _____.

Ahachitequitl 2. _____.

Ahachitequitl 3. _____.

Ahachitequitl 3. _____.

Ahachitequitl 4. _____.

Ahachitequitl 4. _____.

Ahachitequitl 5. _____.

Ahachitequitl 5. _____.

Ahachitequitl 6. _____.

Ahachitequitl 6. _____.

tc039. Momachtianih quichihuazceh ce zanihtequitl zo ce tlamantli tlahcuiloliztli tlen achitlamachtiliztli “Timoixmatizceh.”

